



Taulogologo

E GAEA MEA E AVEA, AE LE FA'ATUPULA'IA MEA E TU'U PEA

OKETOPA 2018

A'ō tatou folau pea i lenei lalolagi o faigatā, e ao lava ona tatou manatua ai pea ma le toto'a, ma le mautilino o se tasi lea o auala manino o le alofa mutimutivale a lo tatou Atua, o lana tali mai lea iā tatou talosaga fai tumau. E le toe tau folasiaina le tāua ma le mo'omia o le tatalo i o tatou olaga, auā o se tāga e atia'e ai pea lo tatou va fealoa'i ma lo tatou Ali'i. O ia o le Atua e fa'afofoga tatalo.

O ia lava na a'oa'oina i tatou i le tāua ma le mo'omia o le tatalo - Mataio 6: 7 – 13, na ia fa'apea fo'i ona vala'au i le Ali'i o le seleselega e auina mai nisi e faia le seleselega. (Mataio 9: 38; Luka 10: 2).

O le uiga lenā o le vala'au mai pea a le Ekalesia e ala mai i le Tamā Pa'ia i tausaga ta'itasi mo se aso fa'apitoa e tatou te fa'atauanau ai le Ali'i i le tatalo mo tofiga o le Ekalesia i tausaga ta'itasi, o se fe'au tāua fo'i lenei ina ia faia se molimau va'aia a le mafutaga a le 'au fa'atuatua i lona usita'ia o lenei poloa'iga a le Ali'i o se molimau taualuga i le tāua o le tatalo tumau ma fa'amaonia ai le tumau o le fa'atuatua ma le foa'ifua e uiga i tofiga po'o le vala'auina i le 'au'aunaga ositaulaga ma le olaga nofo voto. E moni ma tāua ma mo'omia uma le vala'auina mo tofiga 'ese'ese mo le soifua o le Ekalesia, ae o le aso mo talosaga mo tofiga ua fa'apitoa lava mo 'au'aunaga po'o le tofiga ositaulaga, le olaga nofo voto, fa'alapotopotoga o le olaga Aposetolo, olaga misionare ma isi 'au'aunaga 'ese'ese, e le toe po se lilo i le oge o nisi atunu'u i tofiga o le lotu aemaise lava le 'au'aunaga ositaulaga ma le olaga nofo voto. O nisi o pule'aga ua fa'asolo matutua le to'atele o ositaulaga ae ua leai fo'i nisi i Seminario, o le mea fo'i lea e tāua ai le tapu'e o olaga fa'amisionare i totonu o le tatou Matagaluega aemaise tupulaga talavou. E le fa'amativaina ai tatou ae saga foa'i mai ai pea e le Atua nisi mo lana seleselega.

Manatua pea le moni o le muagagana: **“E gaea mea e aveia, ae le fa'atupulia mea e tu'u pea.”**

O lea le talosaga atu i le tatou Matagaluega Samoa ma tagata uma ina ia tatou tatalo mo nei tofiga tāua a le Ekalesia, auā o lana alofilima lea mai le Ali'i Toetu.

“O atu ia e fai nu'u uma ma so'o” – Mataio 28: 16 – 20.
O le mamalu o folagfolaga mulimuli.

O lea ua tatou taunu'u i le fa'ai'uga o le tala a le Evagelia a Mataio. O i'inei ua tatou fa'alogologo ai i toe upu a Iesu i ona so'o; ma i lenei potopotoga mulimuli e tolu mea na faia e Iesu;

Sa ia toe fa'amautilino atu iā i latou lona mana. E leai se mea e i tua atu ma le mana o lē na maliu ma manumalō i le oti. O lea ua aveia ai i latou ma 'au'auna a le Ali'i o le pule i le lagi ma le lalolagi ma e lē toe fesiligia.

Sa ia avatu se fa'apa'iaga (komisi). Na ia auina atu i latou e fai nu'u uma o le lalolagi atoa ma so'o. Atonu o le fa'atonuga o le papatiso atu o se mea na tuputupu mai upu a Iesu. E mafai ona finaua; o le manatu autū ma le tāua o lo'o tumau pea o le fa'apa'iaga a Iesu o le tosiga mai lea o ali'i ma tama'ita'i uma mo ia lava.

Sa ia folafola atu iā i latou lona fa'atasi ai ma i latou i taimi uma lava. Atonu o se mea e le'i mafuatiaina e le mafaufau a le toa'sefulutasi o Kalilaia agamalū le 'auina atu e tala'i atu i le lalolagi atoa. E ui lava ua fa'alogologo atu i ai, a o latou loto sa le 'au atu i ai. Ae ina ua avatu le fa'atonuga, na mulimulita'i i le folafolaga. Sa 'auina atu i latou – e pei o tatou fo'i – i se galuega tele o le tala'aga, ae fa'atasi ai ma i latou lē sa ta'ito'alua pea ma i latou i se fa'atasinga maoa'e tele i lenei lalolagi.

Tau ia ina ia tali mai le Ali'i o le Seleselega i lenei tagi atu a lona nu'u auā ua pula ma matua le seleselega ae pagā lea ua to'aitiiti le 'au selesele.

Maria e, le Tinā o le Ali'i e ana le seleselega, tu'ualalo tumau pea i luma o le Nofoali'i Mamana mo lenei fa'amoemoe tumua a lau fanau, le Ekalesia a lou Alo, ina ia tino mai ai pea le poloa'iga a Iesu Toetu, ia matou o atu e fai tagata uma ma ona so'o. Iesu, Maria ma Iosefo talia mai la matou tatalo Amene.

Vito & Sesilia Ono FK



UŌ PELEINA

O Pule’aga uma ma Pule’aga Fa’aakiepiko e tatau ona i ai se “Falesa Fa’atinā” - Malumalu (Cathedral) a le Epikopo, o le nofoa aloa’ia lea a le Epikopo po’o se Akiepikopo. E pei ona silafiaina e tagata, o le upu “Cathedral” e sau mai le upu Latina, “cathedra,” o lona uiga “nofoa.” O le nofoa a le Epikopo o se fa’aailoga o lona tofi e

a’oa’o ma lana pule fa’alafu lemū i totonu o le Pule’aga, ma e fuafua fo’i o se fa’aailoga o le tu’u fa’atasia o le ‘au talitonu i le fa’atuatuaga o le Epikopo e folafola, o le na tofia o le leoleo mamoe o Tagata a le Atua. O fea lava e tu’u ai le nofoa a le Epikopo ua avea lea ma falesa (Cathedral) tāua tele i le Pule’aga.

Afai o lo’o faia ni galuega mo se Cathedral, po’o fa’afou, po’o fa’amalosia ona o mafui’e (e pei ona i ai nei tatou), e masani i le Epikopo ona fa’aogā se isi falesā e faia o se nofoa (pro – Cathedral) a le pule’aga mo sina taimi.

O le vaiaso ua tuana’i sa ou fa’atalanoa ai le Fonotaga a Faife’au a le Pule’aga e uiga i se tulaga fa’apea, o le fa’aogaina o se isi falesā e tauavea le tulaga o le falesa fa’apitoa mo le Epikopo. Sa i ai ni nai manatu ma sa mafaufau fo’i mo ni avanoa mo ta’avale pe a tutupu mai ni mea fai fa’apule’aga Fa’aakiepikopo, sa ou talosaga ai le Fonotaga a Faife’au pe malilie fa’atasi ma a’u e fa’aogā le falesa o Sagata Telesia i Karori, o se Malumalu (pro- Cathedral) fa’apule’aga Fa’aakiepikopo mo le taimi nei. Na malilie le Fonotaga ma o Patele Ron Bennett, le faife’au palisi a Otari na fa’apea ai fo’i ona malie mai i lea talosaga. O lona uiga, o le a ‘ou fa’aigoaina le falesa o Sagata

Telesia o le tatou falesa Fa’aakiepikopo a le Pule’aga (pro – Cathedral). O le taimi nei o lo’o ‘au ai i se fonotaga i Roma. A ou toe foi atu o le a faia se sauniga talafeagai e aloa’ia ai ona avea la’u “nofoa” (cathedra) i Sagata Telesia, ona fa’aogā lea o le falesā lea mo sauniga fai a le Pule’aga Fa’aakiepikopo.

O la tatou falesā (Cathedral) e mafai ona fa’ailoaina i tatou e uiga i lo tatou tūtū fa’atasi, ma le fa’atasi ai o le Atua i o tatou olaga i aso ta’itasi. O lenā iloa, fa’atasi ai ma le fa’alogologo i Upu fa’aosofia a le Atua, ua i ai le malosi e suia ai o tatou olaga ma auina atu ai i tatou e ola ai lenā upu. O la tatou Cathedral o se fa’amanatu va’aia lea o le uiga mo tatou o ni tagata ua atia’e, o ni ma’a ta’itasi, i se fale fa’aleagaga, o le malumalu ola a le Ali’i.

O se Cathedral ua ausia lona uiga pe a ola atoatoa le misitelio i le potopotoga a tagata ale Atua, ma i le patipatia o le Eukalisitia ma le olaga fa’asakalameta o le Ekalesia. O Eukalisitia uma lava o se potopotoga ma se auina atu, ma e mafai ona faia mea uma ia ona o galuega sa fuafuaina e le Atua.

Sa tatou mafaufau tele i le tausaga ua mavae i upu “O, ua auina atu outou.” O la tatou o atu mai le tatou Cathedral, po’o nisi fo’i o a tatou falesa, e tāua e pei o le alu atu i totonu e tatalo. A o tatou failmalaga atu mai le Cathedral, ina ua fa’alogologo i upu “Ua uma le tatou sauniga, ina o ia outou ma le filemu o le Ali’i,” ua auina atu i tatou ina ia avea i tatou ma fa’afou ma malamalama susulu i tagata ua tatou fa’atasi. O le Agaga o le Atua, Agaga o Keriso, Ua uuna’ia i tatou, ia faia ia tele i totonu ma ala iā i tatou i lo mea na tatou mafaufauina ma talosaga atu ai.

Fa’atasi ai ma Fa’amanuiga uma Lava

+ Ioane

FAITAU LE TUSI PA’IA O LE EVAGELIA A MAREKO

O le Evagelia lona lua e pito sili le pu’upu’u; e laiti tala i lo Mataio, ae va’aaili lelei. O le tusi tala o le seneturi lona lua sa maitauina o Mareko sa fai ma failautusi ia Sagato Peteru, ma sa tusitusia ana a’oa’oga. O Ioane Mareko e laititi i aposetolo – ma na tele ona vala’auina e Peteru o “lona atali’i” ma atonu e moni lea. E talitonuina o le taule’ale’a lenei sa moli-mauina le saisaiga ma le avea fa’apagota o lo tatou Ali’i ma sola ia te i latou ua le lavalavā (Mareko 14: 51 – 2). Ina ua tatala mai i tua Peteru mai le fale pui-pui na alu sa’o i le fale o le tinā a Mareko (Galuega 12: 12). O Mareko ma Panapa sa malaga fa’atasi ma

Paulo se’ia ona la tia’ia o ia ma o atu i Kuperu (Galuega 15: 38 – 9). Ae ui i lea, sa manatu pea Paulo o ia o se uō ma se pa’aga e lelei. Na i’u ona nofo Mareko i Alesana ma fa’avae ai le Ekalesia i i’inā.

Na amata Mareko i le fai mai o se amataga lenei o le Tala Lelei, ma fa’aofi mai ai le upu Eleni *euaggelium* o le upu na sau ai le upu “fa’aevagelia”. O le upu “Evagelia,” (Gospel) e tutusa ma le upu Peretania “Good spell” – “Fe’au lelei”. O le Tala Lelei e amata i le ola ma le maliu o Iesu: ae foliga o Mareko ua fa’ai’u i le ogatotonu o le fuiaupu ina ua fa’asalalau le Toetu, “ua latou matata’u...” (Mareko 16: 8). Atonu

FAITAU LE TUSI PA'IA O LE EVAGELIA A MAREKO

na ia fa'aopopo le fa'ai'uga mulimuli ane, ma fa'auma ai le tala o le Toetu mai iā Lika, ma le mata'u ua vave tele. Ae o le manatu autū o lo'o ia aumaia o le Evagelia ua fa'atoā amata, e le'i muta. Ae mo tatou e fa'aauau pea le Evagelia, ma folafola o Keriso ua toetū.

Ona o Mareko o lo'o tusitusia tala'aga mai ia Peteru, ua ia fa'amatala na o tala e lē vivi'i tele ai Peteru, e pei o le otegiaina ina ua ia taumafai e taofi le Pasio (Mareko 8: 27 – 33). Ina ua fa'afitia e Peteru Keriso ua tatou fa'alogi i upu moni na tautala ai, ua tagito'ia ana tala, na manatuaina lelei lava e le Aposetolo ua salamō, *oute oida oute epistamai sy ti legeis*, “Oute leiloa, oute le malamalama i ai, o le a le mea ua e fai mai ai”? Na tu'u uma e Mareko isi fa'amatalaga laiti ae le'i fa'aopopoa i le tala ae o le taumafaiga e fa'atalitonu tatou sa i ai molimau sa va'ai i mea na tutupu. Sa tofā lo tatou Ali'i i i le aluga i le va'a (Mareko 4: 38); o le motu o tagata na nonofo i lalo mole fafagaina o le lima afe “ua foliga mai e pei o ni fugā la'au matala i luga o le mutia (Mareko 6: 39 – 40 – ae o le tele o fa'aliliuga e lē o maua lelei le vaega lea). O le tala i le

fa'amaloloina o le afafine o Iario ua matagofie lona tu'u fa'atasia ma le fa'amaloloina o le fafine mai le motu o tagata. Sa manatuaina lelei lava e Peteru pe fa'apefa ona tutupu. O se tasi o fafine sa i le Koluse o Maria, le tinā o Iesu ma “Iakopo la'ititi” – ua tatou fa'aigoaina o Iakopo le vaivai”, atonu ona o se tagata e tino la'ititi i lo le atali'i Sepetaio!

O lo'o i ai se 'ea fou e uiga ia Mareko, e pu'upu'u ae tumu i va'aiga matagofie o le a avea ma se tasi o so'o o le Ali'i, le va'ai iā te ia ma fa'alogi atu o tautala. E le o taumafai Mareko e tusitusi i se faiga fa'apitoa, ua ia fa'amatala le tala e pei ona tupu, e pei ona manatuaina e Peteru.

SAGATO IOANE LEONARDI – (OSITaulaga – 1541? – 1609)



O a'u o se tagata e to'atasi! Aiseā oute faia ai se mea? O nei aso e pei o isi vaitausaga, e le mautonu tagata pe a'afia. I ona lava ala o Ioane Leonardi sa tali atu i nei fesili. Sa ia filifilia e avea ma ositaulaga.

I le mae'a o lona fa'au'uga, sa malosi tele i le galuega ma lana 'au'aunaga, aemaise falema'i ma falepuipui. O fa'ata'ita'iga ma le

fa'amaoni i ana galuega na tosina mai ai nisi o ali'i talavou sa amata ona fesoasoani atu iā ia. Na mulimuli ane na avea fo'i i latou ma ositaulaga. Na soifua mai Ioane i le vaitaimi o le Fa'afouga ma le taimi o le Fono Aoa o Trent. O ia ma latou sa mulimuli i ai na latou fa'avaeina ni fa'apotopotoga fou mo faife'au fa'apule'aga. Mo ni mafua'aga e le'i mailoa, na fa'atagaina nei fuafuaga, ae na mafua ai fo'i se te'ena tele fa'apolokiki ma na fa'aunu'ua ai o ia ma ave'esea mai lona nu'u Lucca i Italia, toetoe lava i lona olaga atoa. Sa ia maua se fesoasoani ma se fa'amalosi'au mai iā SagatoFilipo Neri (May 26)

o le sa foa'ia atua lona fale – atoa ai ma le va'aiga o lana pusi.

I le 1579 sa ia fa'avaeina le Ituaiga o A'oa'oga Kerisiano ma na tusia ai se tu'u fa'atasia o A'oa'oga Kerisiano lea sa fa'aoga e o'o mai lava i le 19 o seneturi.

O Patele Leonardi ma ana faife'au sa avea o ni lelei mao'e i Italia, ma o la latou fa'apotoptoga na fa'amausalī e Pope Kelemete i le 1595. Na maliu o ia i le 68 o ona tausaga mai se ma'i na pisia ai a o fesoasoani atu iā i latou na mama'i i se fa'ama'i na pepesi i lona taimi.

I polisi na fuafua mamao e le na fa'avaeina, o latou sa galulue mo le Tinā o le Atua sa le'i sili atu i le 15 ni falesa ma o nei aso ua na o se fa'apotopotoga la'ititi lava



II. O LE ATAMAI O TALA FA'ALE-TUSI PAIA.

65. A aunoa ma le toe faia atoa o le telosia o le foafoaga, e mafai ona tatou fesili pe o le a le tala sili o tusitusiga fa'ale-tusi paia e uiga i le so'otaga o tagata soifua ma le lalolagi. I le ulua'i foafoaga tusitusia i le Tusi o Kenese, le fuafuaga a le Atua e aofia ai le foafoaina o tagata soifua. Ina ua ma'e'ona ona faia o le tane ma le fafine, "ona silasila atu lea o le Atua i mea uma na faia e ia, fa'auta foi ua *lelei tele*" (Kenese 1:31). Ua a'oa'o mai le Tusi Paia, o tane ma fafine uma ua faia i latou i le alofa ma faia i foliga ma le fa'atusa o le Atua (Kenese 1:26). E fa'aali mai ai ia i tatou le mamalu maoa'e o tagata ta'ito'atasi, "o ia ua le na o se mea, ae o se tagata. E mafai ona malamalama le tagata ia te ia lava, le pulea o ia lava ma le foa'i atu saoloto o ia lava ma ulufale atu i mafutaga ma isi tagata." Na ta'ua e Sagato Ioane Paulo II o le alofa fa'apitoa o le Atua Foafoa mo tagata ola ta'ito'atasi "ua fa'ae'e atu i ona luga se mamalu e leai se i'uga." O i latou ua tu'uto e puipuia le mamalu fa'ale-tagata e mafai ona maua i le fa'atuatuga Kerisiano mafua'aga loloto mo lenei ta'utinoga. Ma'eu le matagofie o le ma'utinoa i so'o se tagata ola e le o opeopea i le lololotoi o le vevesi e leai se fa'amoemoe, i se lalolagi e pulea e se avanoa mauafua po'o le fa'ata'amiloga o ni mea faifai pea! E mafai e le Atua Foafoa ona fetalai mai ia i tatou ta'ito'atasi: "Ae ou te le'i faia oe i le manava, na ou iloa oe" (Jeremia 1: 5). Na tatou fananau i le fatu o le Atua, ma o le mafua'aga lea "o i tatou ta'ito'atasi o le tumutumuga o se mafafau i le Atua. O i tatou ta'ito'atasi o molimau, o i tatou ta'ito'atasi ua alofaina, o i tatou ta'ito'atasi ua talafeagai."

66. O tala o le foafoaga i le tusi o Kenese ua ta'ua ai, i o latou lava fa'atusatusaga ma le gagana o fa'amatalaga, o a'oa'oa loloto e uiga i le soifua o le tagata ma lona talafa'asolopito moni. Latou te fautua mai o le ola o le tagata e fa'avae i ni autu taua se tolu ma e feso'ota'i vavalalata so'otaga: o le Atua, o tatou taua ma le lalolagi lava ia. Molimauina e le Tusi Paia, o nei so'otaga taua e tolu ua lepeti, i fafo ma totonu o i tatou. O lenei lepetiaga o le agasala. O le lotogatasi i le va o le Atua Foafoa, o tagata soifua ma le foafoaga i lona taoaofa'i, na ponā e ala i lo tatou manatu e faoa le tulaga o le Atua ma te'ena le fa'ailoaina o tatou tapula'a na faia ai. O le mea lea na lepetia ai lo tatou matūpalapala "e pule" i luga o le fogaelele (Kenese 1:28), ia "galue'ina ma tausi i ai" (Ken 2:15). O le fa'ai'uga, o le uluai mafutaga mafana i le va o tagata soifua ma le natura ua o'o ina fete'ena'i (Ken. 3: 17-19). E taua tele le mafana lea na va'aia e Sagato Falanisisi o Asisi i meaola uma, na va'aia o se fa'amalologa o lena fete'ena'iga. Sa fa'apea ona taofi mau e Sagato Ponavenitura e fa'apea, i le ala o le fa'aleleiga lautele ma meaola uma, o Sagato Falanisisi i nisi auala na toe foi atu ai i le uluai tulaga o le aunoa ma le nofosala. O lenei mea e matua mamao lava mai lo tatou tulaga i aso nei, lea o lo'o fa'aalia e le agasala lona malosiaga ma'ema'eā i taua, o ituaiga ese'ese o faiga sauā ma sauaga, le lafoa'ia o tagata sili ona

vaivai, ma osofaiga o le natura.

67. E le o tatou o ni Atua. Sa i ai i'inei le lalolagi e muamua nai lo tatou ma ua tu'uina mai ia i tatou. O lenei mea e mafai ai ona tatou tali atu ai i le moliaga lea e mafafauina e Kerisiano-Iutaia, i luga o le tala fa'avae o le Kenese lea na tu'uina atu ai i le tagata le "pule" i luga o le fogaelele (Gen 1:28), ua u'unaia ai le lēfa'asāina o le fa'aleagaina o le natura e ala i le ufita'iina o ia e puleina ma fa'aleagaina e le natura. E le o le fa'auigaga sa'o lea o le Tusi Paia e pei ona malamalama i ai le Ekalesia. E ui lea, e moni o tatou Kerisiano ua i ai taimi e le sa'o ai le fa'aliliuina o Tusitusiga Paia, i aso nei e tatau ona tatou te'ena malosi le manatu ua faia i tatou i le fa'atusa o le Atua ma tu'uina mai le pule i luga o le fogaele'ele e fa'amaonia ai le pulea atoatoa i isi meaola. O tusitusiga o le Tusi Paia e tatau ona faitauina i lo latou tala'aga, fa'atasi ai ma se fa'aliliuga talafeagai, ma fa'ailoaina lo latou ta'uina mai ia i tatou e "galue ma leoleo" le togala'au o le lalolagi (Gen 2:15). "Galue" e fa'atatau i le tōtōina, suatiaina po'o le galuecāina, a'o le "tausia" o lona uiga o le tausiga, puipuia, va'aia ma le fa'asaoina. O lona uiga o se mafutaga e felagolagoma'i tiutetauave i le va o tagata soifua ma le natura. E mafai e nu'u ta'itasi ona 'ave'esea mai le tamaoaiga o le lalolagi i mea uma e mana'omia mo le tausiga, ae o lo'o i ai foi le tiute e puipuia ai le lalolagi ma fa'amautinoa le fuateleina mo augatupulaga lalovaoa. "O le lalolagi o a le Ali'i ia" (Salamo 24: 1); o ia e ona "le lalolagi ma mea uma o i ai" (Dt 10:14). O le mea lea e te'ena ai e le Atua tautinoga uma i le umiaina o le pule atoatoa: "E le fa'atauina atu le fanua e fa'avavau, auā o a'u le ona le fanua; auā o tagata ese outou ma 'ē āumau iā te a'u" (Levitiko 25:23).

68. O lenei matafaioi mo le lalolagi a le Atua, o lona uiga o tagata soifua, ua fa'ae'e i ai le atamai, e tatau ona fa'aaloalo i tulafono o le natura ma le tōfiga tutusa o lo'o i ai i le va o meaola o lenei lalolagi, auā na "ia fetalai ma fa'apena ona faia; ma na ia fa'avaeina i latou e fa'avavau ma fa'avavau lava; na ia fa'atuina o latou tauoi ma ia fausia se tulafono e le mafai ona mavae atu" (Salamo 148: 5b-6). O tulafono o lo'o maua i totonu o le Tusi Paia e mausalī i mafutaga, e le gata i tagata ta'ito'atasi ae fa'apena foi ma isi tagata ola. "E te leiloa atu le asini a lou uso po o lana povi ua pa'ū i lalo i le ala ae taofi lau fesoasoani ... Afai e te maua se ofaga o se manulele i so'o se laau po'o luga o le eleele, o i ai ni tama po o fua, o lo'o moe ai le tinā o i luga o ana tama, po'o ona fua; aua ne'i e ave fa'atasi le tina ma ana tama" (Dt 22: 4, 6). Ua tali foliga tutusa ma le, malōlō i le aso lona fitu, o lona uiga e le na o tagata, ae fa'apena foi "ona malolo ai lau povi ma lau asini" (Esoto 23:12). E manino lava, o le Tusi Paia e leai se avanoa mo le pule sauā fa'aletagata e le popole ai mo isi meaola.

----- e fa'aauau pea ----- fa'aliliuina Falefou Sio

O le evagelia a Mareko o lo'o tumu i uiga fa'afeagai: O Iesu o se Mesia e malosi lona mana ma e tatau ona puapuaga ma maliu; o le ali'ita'i moni ua ta'oto lea i le avefa ma 'au'auna; e maua e se tasi le ola i le foa'i atu. O le isi vaega fa'afeagai o latou ua tatou manatu e malamalama iā Iesu ma tali atu i ai ma le loto malie e masani ona le faia fa'apenei. Mo le fa'ata'ita'iga, o tagata o le nu'u o Iesu ma aiga sa le fia amana'iaina le mana o le Atua o lo'o galue i se tasi sa latou manatu e latou te iloaina lelei (6:1 – 6). Fa'apea fo'i latou sa mulimuli iā Iesu, le To'asefululua – latou o lo'o i le li'o ma Iesu. Sa latou finau po'o ai e aupito sili le maualuga a o fa'aali e Iesu le mea o le a tupu – o ona puapuaga ma lona maliu (9: 31 – 34); sa taumafai loane e taofi mai se tasi i le fa'aogaina o le malosi i le fa'apotopotoga lea (10: 38); na fa'alata e Iuta Iesu (14: 10 – 11); na latou tia'i Iesu i le fa'ato'aga (14: 50); ma na tineia e Peteru na te iloaina o ia (14: 66 – 72).

I lea lava taimi, o lo'o fa'amatala e Mareko tala fa'ate'ia i le aofa'i o tagata ua maitauina le tagata o Iesu ma tali atu ai iā te ia ma le fa'atuatua. O lo'o aofia mai i faitauga nisi o latou ia mai "fafo" na 'malamalama' iā Iesu. O se fa'apotopotoga o tagata mai nu'u 'ese na o atu iā Iesu ma le fa'atuatua e fa'amalōlō se tasi o latou ma ta'uta'u atu, ina ua mae'a le fa'amalologa, o Iesu ua 'faia lelei mea uma. Sa ia fa'amalōlō le taliga tutuli, ma fa'atautala le gūgū. I le fa'ataunu'uina o nei mea, ua latou fa'aosofia se fe'au mai le Feagaiga Tuai (Isa 35: 5 – 6) ua malamalamaina o se perofetaga fa'amesia.

O le tauaso o Patimaio sa tauvalavala'au atu ma le fa'atuatua iā Iesu mo se fa'amalologa ma, ina ua fa'amaloloina, na mulimuli ma le fiafia iā Iesu (10: 46 – 52). O se fafine mativa ua oti lona to'alua sa foa'i tupe i le Malumalu ua vivi'i e Iesu ona ua sili atu lana foa'i i lo le to'atele sa i ai (12: 41 – 44). Aiseā? Ona ua ia foa'i uma atu mea sa iā te ia. Ua ia fa'aalia le faitaulaga a Iesu o ia lava i le alofa i luga o le koluse.

O mea ua aumai fa'afeagai e Mareko o "tagata i totonu" ma "tagata i tua" ua lu'itauina ma fa'amafanafanaina. E lu'itauina i tatou ua manatu o tatou o ni so'o ina ia 'aua ne'i femitai ma faufauluga. E tatau ona tatou onosa'i i le 'fa'atasi' ai ma Iesu, ma fa'aaauu pea ona tu'u e fa'aali mai pea o ia lava ma ona ala iā i tatou. O lo'o lu'itauina pea i tatou e le evagelia a Mareko e manafaufau e pei ona faia e le Atua, ae le pei ona faia e tagata ola (8: 31), ma tete'e atu i fa'aosoosga ina ia manatu ai i o tatou ala e pei o ala a le Atua. O tala fo'i a Mareko e fa'amafanafana toe fa'amalosi'au. O ala ole fa'aso'o'ina ua a'oa'o mai e Iesu a Mareko – o le fa'afiti o ia lava, amo lona koluse; 'au'auna atu i isi i le alofa ma le agamalū – e lē faigofie. E o'o lava iā latou sa i "totonu o le li'o" sa fa'aletonu i nisi taimi. Ae ona ole tulaga o le evagelia a Mareko o lo'o i ai o se molimau lea o latou sa latalata iā Iesu sa 'ausia ma manumalō i le olaina o 'auala sa ia tu'uina mai. O le mea moni lava, na o le mana o le Agaga na tatala mai i luga o le maliu ma le toetū, ua mafai ai ona ola ai i le 'ala' o Iesu a Mareko.

Fa'ai'uga

Ua faia e le evagelia a Mareko se feso'ota'iga lavelave o le fa'aso'o'ina ma le natura o Keriso. O latou e a'oa'o ma fai lauga o le a solosolo lelei pe a fa'aalu ni nai taimi i tatalo 'ma Iesu a o fa'alia mai o ia e lenei evagelia. O le faiga lea o le a mafai ai e latou ona folafola ma le fa'amaoni i upu ma amioga a lenei tusitusiga matagofie tele.

SAGOLEGOLE

O LE TALA I LE TUFUGA O TELA

O le tasi aso na alu ifo ai Tagaloa mai le lagi e evaeva i le nu'u o Ti'avea. Ona o'o atu lea i le mea e galulue ai le ali'i o Tela ma lana 'au tufuga, o latou fau le fale o le aitu. Ua popole Tela i le vave fa'auma le galuega, aua o le aitu ua saua lava.

Ua alu atu Tagaloa, a e fa'alavelave le pa'o o le galuega. Ua fai pea le galuega a le tufuga, o tala la'au. Ona to'atama'i lea o Tagaloa, ua fa'apea atu ia Tela, "Sole, po o le a le mea ua malo ai le pisa? Toeitiiti a fasi oti lava oe pe susunuina oe faatasi ma le fale." Ona tali lea o le tufuga, "Fa'amolemole, lau Afioga, ua matua sese. Ua matou fa'ato'ese atu, a o ona tau o le a tu'ua galuega pa'o pe a uia le ala i le ali'i." O le mea lava lea ua masani ai nei o Tufuga ona tu'u o le galuega pe a ui ane ni ali'i i le auala, ina ne'i fa'alavelaveina i latou i le pisa ma le pa'o. A le tu'ua fo'i le galuega, po ua o atu ali'i ma fasi na tufuga pe ta'u i ai ni upu leaga.

TOFIGA O TAGATA LOTU: o se mea moni ua tupu ma taolaola

(Tusia e Chris Richardson) Fa'aliliuina e Lauano ILAOA

O le to'aitiiti ma le tau leai o ni faifeau, e pei ona iai i lenei vaitaimi, ua fa'afouina ai le tāua o le sao o tagata lotu i totonu o palisi ma aulotu ta'itasi. Peitai ane, e foliga mai o loo fa'atelegese pea ma 'augatā le ekalesia, e talia ai aloa'ia lea sao, e avea o ni "tofiga". O lenei tusitusiga, ua taumafai e tau fa'amanino ai lagona ma mafauauga ua fesoasoani tele i lo tatou talitonuga ma le malamalama'aga e uiga i tofiga, atoa ma le tulaga sa'o e tataua ona iai, ona o le tulaga le manino i le vaofilifili o a'oa'oga tau pulega a le Ekalesia. O le alii o *Chris Richardson*, o se Pulea'oga ua malolo litaea mai a'oga a le Katoliko ma sa avea foi ma Komesina fa'a-pule'aga. O loo galue nei o ia o se faiaoga fa'apitoa i le a'oa'oina o le tomai fa'ata'ita'i Katoliko i le Iunivesite o Sagata Maria, i le aai o Twickenham.

Ua avea le to'agaogao ma le to'aitiiti o le aufaigaluega pelepitelu, ua le 'alofia ai le manatu, e tataua i tagata lotu, ona tulai mai e latou te fa'atinoina le tele o 'au'aunaga masani i totonu o le Ekalesia. Ua tele ina u'una'ia ma fa'atauaina au'aunaga a tagata lotu i tofiga o le Ekalesia, e tali atu ai i lenei fa'afitauli, ona o le manatu, e matuā talafeagai lelei lava ma a'oa'oga a le Vatikano II. Ae peitai ane, i totonu o le Ekalesia Katoliko, e foliga mai e faigata ona talia le fa'aaogaina o le fa'aupuga "tofiga" e fa'amatala ai le galuega ma le au'aunaga lenei a tagata lotu, ma e pei e iai le taofi, e tataua ona ta'u au'aunaga nei, o se "galuega fa'a-aposetolo", ae ta'atia le fa'alagina: "tofiga", e fa'amatala ai na ole matafaioi a le vasega o faifeau fa'au'uina.

Tofiga: o se upu e fete'ena'i lona uiga

O le pogai o le fenumia'i ma le lē manino o lenei vaega, e mafua i le tele o faiga ua fa'aliliu ai ma fa'auiga le upu o le "tofiga", e pei ona fa'aaogaina ai i le Feagaiga Fou. O le upu o loo fa'aaogaina i le Gagana Eleni, o le *diakonia*, lea e mafai ona fa'aliliu e fa'apea, "o le au'aunaga loto maualalo po o le ta'ita'i pule". O tagata e manino ma malamalama i le upu *diakonia*, i lona tulaga, o se au'aunaga e faia ma le loto maualalo, latou te silafia lelei, "o se mea e faia ma le loto maualalo ma le alofa i lou tuaoi, ma o se mea e iloa uma e tagata Eleni, o se gaioiga tautua mo isi. Peitai, o tagata e manatu o le uiga o le upu, o se ta'ita'i e iai le pule, e talitonu i latou ia, o le uiga moni o le upu *diakonia* i le Gagana Eleni, e lē o le au'auna ma le loto maualalo, ae fa'atatau i se tagata ua fai ma sui o se pule e maualaga atu.

O le isi fete'ena'iga i le uiga o le upu lava lenei o le *diakonia*, e pei ona molimauina i le Feagaiga Fou, e a'afia ai le mamao o le fa'auigaina o le "tofiga" o loo

atagia mai ai, i lona tulaga lautele pe o se tulaga tu'usa'o. Afai o le "tofiga", o se tasi lea o le anoanoa'i o auala e tautua ma au'auna ai e pei ona taua e Sagato Paulo (1Kori:12.4-6), ma e auala mai i meaalofa tatou te maua uma mai le Agaga Paia (1Kori:7.7), o lona uiga la, e mafai ona fa'apea, o tagata uma ua papatisoina, ua vala'auina e au'auna i tofiga. O le isi manatu, e atagia ai o meaalofa maua fua mai le Agaga Paia, ua fa'aau'upegaina ai tagata uma ua papatisoina, e tautua ma au'auna atu i tagata lautele, ae peitai, a'o le'i avea lea tautua ma tofiga aloaia, ona e mana'omia le fa'atagana mai se tasi po o se fa'alapotopotoga ua iai le pule. Ua talitonuina e nisi, e fa'apea o le taofi o Sagato Paulo, e sili atu le taua o le tagata ua iai le tofiga (*diakonos*), nai lo le Aposetolo.

O le mea moni, o fesili ua lagā mai nei fa'auigaina e lua, ua o'o mai lava i onapo nei o feagai pea ma i tatou, ma ua faapena ona afaina ai ma a'afia ai o tatou manatu ma lagona i a'oa'oga a le Ekalesia. O se tasi o tagata suesue o le Tusi Paia, o loo taulamua i lenei finauga, o le alii o *John Collins*, na ia fa'atuina mai le fesili lenei: "...o le tofiga ea o se meaalofa i le taimi o le papatisoga lea e laugatasia ai soo se tagata Kerisiano, po o lona uiga o se matafaioi e na o tagata ua fa'au'uina e agava'a ona latou fa'atinoina?"

Tofiga ma le au'aunaga

I le Gagana Peretania, o le fa'aliliuina o le uiga o le upu, *diakonia*, o le tofiga po o se au'aunaga. O le 'ese'esega o le fa'auigaina o le upu au'aunaga ma le upu tofiga i tusitusiga ma ni tautalaga, e atili ai ona fenumia'i lenei mataupu. E mafai ona faapea mai se tasi, o le tofiga, o le au'aunaga, ae peita'i, e le o au'aunaga uma o ni tofiga. O le upu 'Service' (Auaunaga), mai le upu Latina o le *Servitium*, e faatauv'a ma maualalo lona tupuaga, e mafua mai i le olaga pologa ma le ola tautua nofo tuāvae o tagata i aso ua mavae. E tele vaega o le soifuaga fa'a-Peretania e fa'aaogaina ai lenei tulaga. O se fa'ataitaiga, e o tagata e ave a latou ta'avale e faia iai se au'aunaga(*service*), pe a fia fa'aleleia, e o foi tagata e auai i se sauniga lotu (*religious service*), a'o isi e o e sainsi se feagaiga ina ia mafai ai ona ulufale e au'auna i le fitafita (*military service*), ao isi foi 'e o e au'auna i totonu o se faleoloa (*customer service*). O tagata e faigaluega i lalo o fasitepu o ni fale tetele, sa ave iai le fa'aupuga o "au'auna". Ae o le tele o taimi, o lea ituai-ga o au'aunaga sa masani ona ave i tagata e au'auna i le taimi o se taumafataga. O au'aunaga masani foi a le Malo ma pulega fa'aitumalo, e pei o le eletise, suavai, ma ala o fela'uaiga, e ave iai le fa'aupuga, o au'aunaga lautele. O lona uiga i lona aotelega, o le au'aunaga, o se tautua e faia e fesoasoani atu ai i se tasi tagata, ae lē mo 'oe.

I le tulaga lautele, e lē feso'ota'i le upu tofiga ma le tele o ituai-ga o au'aunaga nei, e pei ona taua. O le upu tofiga lava ia, e le mafai ona fa'amatalaina ai le au'aunaga a se inisinia ta'avale, po o se avepasi, se inisinia eletise po o se fitafita foi. O le tofiga, e fesootai ma

le fa'atinoina o ni mea mo isi, e ui ina lē aofia ai se fesoasoani e te faia mo lou tuaoi. E foliga mai la, e le mafai ona tutusa le auaunaga ma le tofiga, seia vagana ua fa'amalieina ni tu'utu'uga mana'omia.

Avea o le auaunaga ma tofiga

Ae fa'amata la o a ia tu'utu'uga mana'omia? O se fesoasoani itiiti e te faia mo se tasi, e le mafai ona ta'ua lea vaega, o se tofiga, ae peitai, o se fesoasoani faifai pea, e mafai ona agava'a o se tofiga. O se tagata e na te silafia lelei le faiga e fa'atino ai se ituaiga o fesoasoani, e leai se lelei e maua ai na o masei, ae fa'atoa amanaia lea tagata ua ia fa'atinoina se tofiga, pe afai o se tasi ua uma ona a'otauina lelei mo le fa'atinoina o vaega uma o lona tofiga. E ui o se tasi ua a'oa'oina lelei ma pulunaunau ma le faaamaoni i lona tofiga, e ono faafetaia e nisi lana galuega, ae peitai, e iai foi isi latou te le taliaina lona tofiga, seia vagana o sea tagata, o loo fai ma sui o se fa'alapotopotoga aloaia. O le tofiga e amata mai auaunaga lautele e manaomia ai le naunau ma le faamaoni i taimi uma, atoa ma le a'otauina lelei faatasi ai ma lona maua o le pule fa'ataga e fa'atino ina ai.

O le pepa ulufale i tofiga fa'a-Kerisiano, o le Papatisoaga, lea e vala'auina ai le tagata ina ia aveia ma so'o o Iesu Keriso ma ulufale atu ai i lana galuega fa'a-tupu ma lana misiona faa-faifeau, ma fa'a-perofeta. O tagata uma lava, e ulufale mai i le Ekalesia ma ni meaalofa ma ni taleni fa'apitoa, ma e tatau ona fa'aaoga ia vaega mo le atinae'ina o le Malo o le Atua. O le Papatisoaga, ua vala'auina ai tagata uma e auauna, ma e le mafai ona ta'ua lea auaunaga o se tofiga, seia vagana ua faamalieina isi vaega ia e aofia ai, le a'oa'oina lelei, pulunaunau fa'amaoni ma le pule fa'ataga. O lona uiga moni, o tagata uma e talosagaina mo le Tofiga Fa'apitoa mo le Komunio Paia, poo le Faitau Tusi, ma Auauna, e mana'omia i latou e auai i se a'oa'oga fa'apitoa mo nei tofiga, ma mulimuli ane ai tofia aloaia mo ia tofiga. O nisi ole a vala'auina mo isi auaunaga fa'aopoopo i totonu o aulotu, e aofia ai tofiga Tiakono, Faifeau ma Epikopō. O a'oa'oga mo i latou ia, e umi le taimi e fa'agasolo ai, ma o le fa'ae'eina atu o nei tofiga ia i latou, e fa'ailogaina lea i sakalameta ma le fa'au'uga.

O le a le uiga o le Tofiga Kerisiano?

E amata le masina o Oketopa i tagata pa'ia e to'alua ta'uta'ua ma e fiafia tele i ai nisi o le 'au fa'atuatua: Sagata Telesia ma Sagata Faranisisi. Aiseā i se Fuala'au La'ititi ma lē e mativa ua lauiloa? Masalo ona ua la'ua fa'atino maia se uiga 'ese loloto ma le fa'atauva'a i le la fa'atuatua.

E le o ni taimi faigofie mo la'ua a o talatala malie o la vala'auina Kerisiano. Ua tatou iloa sa ola Telesia i se pogisa fa'aleagaga i le sefulu valu o masina mulimuli o lona olaga, ma na i ai le taimi na tuleia o ia e tusia le tatalo o le Fa'atuatua i lona lava toto. Ua tatou iloa fo'i o Faranisisi sa uia e ia ni tigā ma ni puapuagā tele, ina ua alia'e fa'aailoga o manu'a o Iesu ia te ia. Ae sa la'ua tausi pea i o la uiga tausafia, fa'atausua'i, le loloto o le alofa mo latou e matitiva. Na fa'apefa ona la tauave nei mea uma?

Atonu sa mafai ona sa vae māmā: sa feagai atu i lu'itau uma ma le iloa, iā Keriso, o mea uma lava e mo le lelei. O fa'ale-

E iai le fa'aupuga masani e faapea, e to'atele le au atamamai i le fa'amatalaina o le tofiga, ae toaititi e mafai ona o latou au'ili'iliina lona uiga. Ae o le fa'augaina e talafetaui ma a'u foi su'esu'ega, na tuuina mai lea e *Thomas O'Meara*. "O le Tofiga, o le galuega va'aia lea a le tagata ua papatisoina e mulimuli ia Iesu Keriso e ala i le mana o le Agaga Paia, e fai ai o ia ma moli-mau ola mo le au Kerisiano, ma auauna ai ma le loto atoa i le Malo o le Atua"

E taofi *O'Meara*, o le tofiga o se mea e ola. E a'afia ai le faia o se mea, ae le na o se tulaga. E mafai ona aveia a'u ma se tasi e umia le Tofiga Fa'apitoa mo le Komunio Paia, ae afai ou te lē tufatufaina le Komunio, o lona uiga, ou te lē o fa'atinoina lo'u tofiga. O lea galuega o loo faia e fai ai ma sui o tagata Kerisiano, ae le faia ina ia ta'uleleiaai a'u, ae fai ona e tatau ona fai, ma e mafai ou faia. O se meaalofa lea mai le Agaga Paia mo le tagata ua fa'ae'eina iai sakalameta ma o se tasi e mafai ona fa'auuina. O so o se tofiga e iai ona tulaga e iloa gofie ai atoa ma ona tapula'a ia e aofia ai tiute ma matafaioi patino i lea tofiga. E lē o gaoiga uma o se auaunaga, o se vaega o le tofiga. O gaoiga fa'apea e tatau ona fa'alaua'ite, ae lē fa'alilolilo ona faia. O le mea aupito sili ona taua, o sea gaoiga ia aveia ai Keriso ma ona fa'aosofiaga ma e fa'atinoina mo le Malo o le Atua.

(fa'aauau atu i lomiga i luma)

tonu uma ma faigatā ua avea ma fiafiaga mo agaga uma ua sauni e tuputupu pea i le fa'atuatua, ma fa'atino lena fa'atua. O Faranisī sa malaga atu i le fia o maila i lana galuega tala'i, na o'o lava i le feiloa'i atu i tagata Moselami i le Nu'u Pa'ia.

O Telesia sa malaga atu i le isi itu, na ta'ita'ia e lona agaga manatunatu, a o ia ta'ai lona loto tele fa'atamilo i le olaga fa'amisionare (fa'atasi misionare o tuagane fa'aleagaga): ae sa le'i tu'ua lana ituaiga. A tatou va'ava'ai i nei tagata e to'alua, ua tatou iloa le uiga o le folafolaga a le "o le ola". Ua tosiga tagata iā i la'ua, ma le mafanafana i le iloa o nei loto fa'aaposetolo maoa'e o lo'o maua i ai avanoa e o'o lava iā i latou e "Ia va'ai 'aue ne'i outou inosiaina nisi o latou la'iti nei, ona ou te fai atu iā te outou o a latou agelu i le lagi o lo'o fa'aauau pea lo latou fa'atua Tamā i lagi.

O le Malamalama i Lo'u Ala

O se faitauga ta'uta'ua mai le mataupu sefulu a le Evagelia a Mareko o lo'o maua ai, se telosia atoa Kerisiano i fa'aipoipoiga. Se'i o tatou matamata i se vaega se tasi o lenei 'oa tele ua tu'uina mai. Fai mai le Ali'i i le fa'aipoipoiga o le ali'i ma le fafine ua avea, e ala i le fa'alavelave a le Atua, e tasi le tino ma o lea, o mea ua tu'u fa'atasia e le Atua, e le fa'a'ese'eseina e le tagata.

E lē fesiligia i o tatou taimi o fa'aipoipoiga o se a'afiaga mata'utia "fa'alagona." O lona uiga mo le to'atele o tagata i aso nei, o le fa'aipoipoiga o se galuega tau'ave a ni tagata e to'alua e filifili ai, mo lo la'ua lelei, e nonofo fa'atasi i se faiga fa'auō mafana. O fanau, fiafiaga fa'aletino, o le ta'alo, o le fa'amalieina o lagona loloto, o le ausia o nisi o vaega, o fua uma nei o lenei fa'atasia.

E le fa'afiti le Ekalesia i nei mea uma. Ua talia atoatoa vaega ia fa'alemafaufau ma le fa'anatura o fa'aipoipoiga. Ae i le mulimulita'i i le fa'amanatu mai a le Ali'i, ua mamao atu ai i lo lenei malamalama'aga, ma talisapaia fa'aipoipoiga o se vaega o fuafuaga a le Atua ae le na o tatou. E moni, i le fa'asologa fa'anatura, o le talanoa ai i ni tagata e to'alua ua feiloa'i atu le tasi i le isi ma filifili e fa'aipoipo, ae o na gaoiga o lo'o fa'atulaga i totonu o le fa'atulagaga i luga atu ma talatala malie e pei ona fuafua i ai. O le fa'atumutumuga lava, o le Atua ua tu'u fa'atasia le tane ma le fafine.

Ma o le mafua'aga lenei o se fa'aipoipoiga fa'asakalameta e tumau. Afai na o se fa'alalolagi nei e faigofie lava ona tatou maua ni mafua'aga se tele e fa'amuta ai fa'aipoipoiga. Ona o fa'aipoipoiga e lē na o le fa'alalo nei, ona e 'au atu i fuafuaga ma le tausiga a le Atua, e tumau.

8

Auina atu fa'atasi ma le to'asefululua

O le noataga e fa'ailoa le Tala Lelei ua mafai ai ona fua la tatou savavali i le Atua ma o nisi o taimi o tatou lava fo'i, ua masani ona tatou maua i ai le ituaiga o savali a nisi e pipili pe tauaso fo'i.

Fa'atasi ai ma o tatou malosī, o tatou agaga, ma o tatou loto ua tatou faia a tatou fa'aevagelia ia fa'aauau pea polokalame ua tu'u fa'atasia e Iesu. Ae, e ui ua tatou iloina le polokalame, e fa'alelava so tatou malamalama'aga i fuafuaga.

E o'o lava i galuega i aso ta'itasi o lo'o ausua ma le lelei atoatoa tatou te lē mailoa po'o le ā se aogā e fai i ai e le Ali'i...ma afai lava ua matuā leaga le fa'atinoina ua tatou le mailoaina fo'i pe fa'aapefea ona fa'aogā.

Pau le mea ua tatou iloa, so'o se mea ua tatou avatu i le Atua e lē ma'imau.

SAKALAMETA

O Sakalameta Katoliko ma Porotesano

E taunu'u atu i le sefuluono o seneturi, ua telē suiga i aganu'u ma faiga masani i Europa. O faiga malō sa fetaua'i i le vaitau o le Tausaga Ogototonu ua suia e faiga malō fou. O le atamai e tusitusi ua alualu i luma fa'apea le fetaua'iga o oloa. O le faiga o le masini lomi tusi i le 1450 ua mafai ai e le to'atele ona faitau tusi ma o se va'aiga fou i le tagata ua aumai ai ma se lagona mafanafana i mea fai e le tagata.

O le vaitau lenei o le fesuia'iga o tu ma aga na fa'ata'atia ai le galuega fa'avae o le toe fa'afouina o le Ekalesia Katoliko. O le fe'ese'esēa'iga na mafua mai le toefuata'iga na malepe ai le

maopopoga a malo Kerisiano e o'o mai i le taimi nei. Na va'aia e Roma lenei toefuata'iga o se tete'e i tala'aga ma o se savali 'ese lea mai Lotu. O le 'au Toefuat'iga Porotesano sa va'ai i ai o se fa'afouga o le Ekalesia ma le o 'ese mai Roma

I le 1545 na tali atu ai le Ekalesia Katoliko i le 'au Toefuata'iga i le osia lea o le Fonotaga Aoao i Trent. O lenei fonotaga na fa'aauau ma motusia mo le 18 tausaga a o feutaga'i ta'ita'i o le Ekalesia ma fa'atalatalanoa ma fa'atino nisi o fa'afouga i totonu o le Ekalesia. I le 1553, e ui i lea, na mamulu atu le pule a Roma e fa'atonutonu ai suiga i totonu o Kerisiano uma i sisifo. Ua fa'atino e Porotesano le tele o suiga i Siamani, Switzerland, Hollani ma Peretania. I nei atunu'u o le tele o faiga fa'asakala-

SAKALAMETA

meta Katoliko, a le'i soloia ae ua tele ni suiaga ua faia i ai.

E ui na i'u lava na fa'avae e le 'au Porotesano a latou telosia, ae e 'ese'ese filosofia. E le o se fesili po'o a mea e talitonu i ai itu ia e lua ae pe fa'apefea e itu ta'itasi ona fuafua mea e tali-tonuina. O le 'au Toefuata'i mai le amataga na fa'aofi maia se finauga e lē o se vaega tāua i telosia Kerisiano i le vaitau o Aquinas: O le nofoaga ua masani ai le tagata e fa'auiga ai fa'aupuga e uiga i le Atua ma talitonuga. O le 'au telosia Katoliko sa fa'auiga le leai o se potō masani o le a'afiaga o sakalameta o lo'o tua atu lea ma le a'afiaga o le potō masani ae o lo'o moni lava, ae o le telosia toe fa'afuina na tauave le mea

lava lea e tasi ae fai mai i latou e leai se a'afiaga sa tataua ona i ai. O se tasi o faigatā i le va o Porotesano ma Katoliko ona o lo'o tautatala i gagana 'ese'ese. O le 'au faitelosia uma sa tusi-tusi i le gagana Latina, ae a fa'aoga upu e pei o le vala ma le olataga, agasala ma le kalasia, ona 'ese'ese ai lea o le mala-malama'aga i nei upu.



PAGANOA

E i ai se tala e fa'apea a Moseniolo Ronald Knox, se tasi o faia'oga sili i le Tusi Pa'ia ma se a'oa'o, na pasi atu i se aso a o tātā se fa'a'ilipū ona liliu atu lea i lē o la fa'atasi ma fai atu, "O musika lelei e sili atu i lo musika leaga, ae o le musika e aupitōsili le manaia e lē sili a'e i lo le paganoa."

O le paganoa atonu e lē o se manatu ua na o se fa'a-Katoliko, ae ua alagataua ai. O le tasi o manatu, o le paganoa e ta'ua i o tatou manatu i le lagi, le taunu'uga sili e tulimata'i i ai Katoliko uma. I le Tusi o Fa'aaliga, o lo'o fa'amatala e Sagato Ioane lana va'aiga fa'aselesitila o le Mamoe a le Atua na matala ai le

ma'elegā mulimuli o le Tusi o le Ola, ina ua mae'a "ona i ai lea o le paganoa i le lagi pe tusa ma le afa itula". E aunoa ma se fa'amatalaga fa'atusi pa'ia o le itula e pei ona ta'ua, o lo'o manino mai o le paganoa ua fa'aalia ai se mea pe na fa'apefea e tagata pa'ia ona vivi'i i le Atua i le lagi.

O le faiga fo'i lea ua fa'aogaina e le Atua e talanoa so'o mai ai iā i tatou i le lalolagi nei, iā tatou tatalo e lē leōa. I le fa'atalanoaina o Katinale Robert Sarah e uiga i lana tusi (*Power of Silence*), sa fa'apea mai ai, "tatou te feiloa'i atu i le Atua na o le paganoa e fa'avavau o lo'o ia nofo ai." I Evagelia, o le Ali'i

PAGANOA

lava ia o lo'o sa'ili i lona Tamā i le lagi i le paganoa o le vao matua o le tafa o ata, ma o lo'o fautuaina latou e mulimuli atu ia te ia e tatalo e le o luga o 'auala pisi ae i le 'oa o le paganoa i o latou potu i tua atu o faitoto'a tapunia. O ulua'i nofo voto a le Ekalesia sa fa'auauina le fa'aogaina ma le fa'apelepele o le paganoa o se avanoa mana'omia e latalata ai i le Atua ma te-te'atu i le Tiapolo: "Aū a le fili e le pa'i atu i se tasi ua naunau i le paganoa" (abba Nilus). E o'o mai i aso nei, e tele ituaiga o lo'o tau'ave le Paganoa Tele i le mae'a o tatalo a latou fa'apotopotoga i afiafi uma se'ia amatalia fo'i tatalo o le taeao. I nisi o ituaiga – Monike, le 'au Cisterciens ma le 'au Carthusians, mo se fa'ata'ita'iga – o le paganoa e puipua ma le malosi tele.

I nei vatau o le pisapisaō ma le tele o fa'atosiga i taimi vavave, ua tatou fa'agalo ai le malosi o le paganoa, po'o le mata'u ai fo'i. E manatua ai ni upu a se tusitusiga ua fa'amatala ai se malaga a ni tagata na fa'aletonu le latou ta'avale i se auala na eli i lalo o le mauga toe pogisa:...o le talanoaga na alu i luga ma alu ifo i lalo ma na moumou malie atu lava i le paganoa. Sa va'aia i foliga ta'itasi le sausau malie o le leai o se mea i mafaufau. Ua na o le popole ma le mata'u i le leai o se mea e mafaufau i ai..." I nisi o fa'aupuga, tatou te lagonaina o le paganoa o le a fa'aailoa atu ai i tatou i le mata'utia o le leai, ma e ao ona faia ni fa'atosiga e ave 'ese mai ai i tatou mai lenei

soloia ma le fa'aleagaina e le mafaufau po'o leā lava lona tau.

Ae o le paganoa e lē tu'ua lava i tatou e aunoa ma le leai. O se fa'afitigaleaga, o le pisapisaō po'o ni leo matagofie, ae o se fa'afitigaaleaga ua mafai ai e se tasi ona fa'atumulia le avanoa ua faia. I le 'auala lenei e mafai ai ona tatou fa'apea ai o le paganoa ua pei o se fa'atanoa ta'ele. A tatou fa'atafe le vai atoa mai le tanoa ta'ele i luga o se 'auala o le a tafe le vai i so'o se itū ma e le mafai loa ona ta'ele ai se isi. Muamua e tatau ona fausia se fa'atanoa tele i le palapala, e fa'atumu i ni vai. O le paganoa o se avanoa tele e leai se mea o iai ua tatou 'eli maia i o tatou olaga pisi ma le vevesi (ia tatou tatalo fai i aso uma, i aso o tomanatuga ma fa'anoanoa, i luma o le tapenakulo i le falesa, i luma o le aletale ae le'i amataina ma le uma o le Misasa, i taimi o le Misasa lava ia) ina ia mafai ona afio ai le Atua ma ia mafai ai fo'i ona tatou ulufale atu ia te ia.

FAITAUGA MO LE MASINA O OKETOPA 2018

ASO 7 OKETOPA ASO SA 27 TAUSAGA MASANI:

Faitauga muamua: Kenese 2: 18 – 24. Matua: E avea i laua ma tino e tasi.

Salamo: 128: 1 – 2 (tali), 3 (tali), 4 – 5 (tali), 6 (tali). Tali: Ia fa'amanuia mai le Ali'i iā te i tatou i aso uma o lo tatou olaga.

Faitauga lona lua: Eperu 2: 9 – 11. Matua: O lē na te fa'apa'iaina mai, atoa ma i latou uma e ua fa'apa'iaina, e tasi lo latou tupuga.

Aleluia, Aleluia...Le Ali'i e, ia e tatalaina o matou loto ia naunau i afioga a lou Alo...Aleluia.

Evagelia: Mareko 10: 2 – 16. Matua: O e ua fa'atasia e le Atua, 'aia le fa'ate'ate'a'eseina e le tagata.

Tofitofiga o le Upu:

O faitauga o le asō e uiga i fa'aipoipoiga o le a aumai ai ni tali ma ni manatu malolosi mai nisi. O finauga ua si'osi'omia ai fa'aipoipoiga tutusa ma mataupu ua ta'ua ai le tali Ali'i mo latou ua tete'a ma ua toe fa'aipoipo o le avea ai faitauga nei mai tusitusiga pa'ia o ni autū, ae o latou faitauga ua foliga mai e ma'oe. E ao ona manatuaina o le telosia a le Ekalesia i fa'aipoipoiga e 'oa, ma o lo'o avea ma fa'avae mautū o lena telosia, o tusitusiga ta'ito'atasi e le mafai ona fa'atauva'a lona fa'aogaina fa'alaua'itele - e pei ona fai mai ai latou ua taofiofi mamau i fa'augaina o tusitusiga pa'ia. Na tu'u fa'atasia e le Ekalesia se malamalama'aga i fa'aipoipoiga mai ni tomanatuga i ni taimi umi. O le Tusi o Kenese na sau mai se aganu'u sa taliaina le sili atu i le tasi o ni avā fa'apea ni galu teine po'o ni palake (e fa'aipoipo ae i ai ma avā e lē fa'aipoipo). O le lalolagi i le atu Metiterania i le vaitau o Iesu e telē ma e 'ese'ese le malamalama'aga i fa'aipoipoiga' – e o'o lava i le lalolagi i nei aso. I Sisifo o le fa'aipoipoiga e pei o konakalate o se vaega tāua lea mole lelei o le sosaiete, fa'atulaga ai lē e tu'u ai mea totino fa'apea le fa'atagaina fa'aletulafono. Atonu o le upu e tutusa mo faiga uma nei, ae o le moni o le fa'aipoipoiga' ua fa'amatalaina e 'ese'ese. Afai e manana'o Kerisiano e feso'ota'i pea ma lenei lalolagi ma avatu i ai le 'oa ma le malamalama lelei i fa'aipoipoiga i le fa'aogaina o tusitusiga pa'ia, ona fa'apea lea, o le fa'atoanofotane ma le fa'atoā faivā i le gagana a Sagato Paulo, o le manatu o le Atua ua fa'aipoipo i ona tagata (e masani o latou e le fa'amaoni), o ata o faiga'ai o fa'aipoipoiga ma i Feagaiga uma e lua, o le tu'uina maia o lelei fa'aletagata o a latou taumauga, o le alofa ma le lē manatu fa'apito ua le fa'atuā'oa – o lo'o maua uma i le Tusi Pa'ia – o lo'o momoli maia le 'auala manino o le malamalama'aga fa'a- Kerisiano. O le fa'aogaina o tusitusiga pa'ia o ni 'auala e 'otegia ai tagata' e lē o se 'auala talafeagai e fa'aoga e lagona ai le evagelia ma vala'au ai isi e fa'amaopo, fa'asoa le 'oa o lenei tala'aga.

Metitasio mo le Aso Sa 7 Oketopa

FA'AMALOLOGA O TATOU LOTO MA'A'A

Ia tatou fa'aeteete i le tu'uina atu o le pelu o le ita ma le alofa o le Atua ua aumai ia i tatou i lima o o tatou fili. I lea taimi, o le a lē aoga tele iā i tatou le a'uupega, auā o le a vaivai le mea tonu o lo'o malosi i le taimi nei. Ou te iloa lelei ma e lē mafai e le tiapolo po o se tasi ona fasioti ia te a'u vagana ai la'u lava pelu, ma le pelu tonu ou te fa'aogaina e fasioti ai o ia. Afai ou te toe fa'afai atu ia te ia, o le a ia fasioti au.

O le a le mea e fasioti le agasala ma le amioleaga? Na o le ita ma le alofa - o le fa'alumaina na ou fanaua ai le agasala,

FAITAUGA MO LE MASINA O OKETOPA 2018

a'o le alofa ua ou fanauina ai le amio lelei ona o le Atua. Pe tatau i le tiapolo ma le tu'inaanu ona suia lenei ita ma le alofa, ina ia e ita i mea o lo'o i le Atua ma alofa i ou lagona lea e fouvale pea ia te ia (ma o le mea lea e manao i ai le tiapolo), e lē mafai ona ia faia se'i vagana le lima malosi o lou loto e avatua se lima fesoasoani ia te ia. Ma afai e te tu'uina atu ia te ia, o le a ia fasiotia oe i lau lava pelu. E tatau ona e va'ai, ona, pe fa'apē'i le lē fiafia o le Atua i lenei mea, ae o le ā le a'afiaga leaga iā i tatou

Tatou te mautinoa e i ai mafua'aga e olioli ai, auā o lenei Alo agamalu o Maria, o le Atali'i Pele e To'atasi o le Atua, na ia fa'atoilalo ma fa'atama'ia uma o tatou fili. Ua matuā vaivai le tiapolo ma ua lē mafai ai ona ia fa'alue tumau i o tatou luga: ua malolo lana pulega. O tatou tino, na tauaveina e le Alo o le Atua, na sasaina i le fa'alumaina, tigo, tauemu, ma ulagia; ae o le va'aiga o lona tino e tatau ona vave matala ai o tatou noanoataga i a tatou fouvalega. O le vi'iga fa'aletagata, o faiga sauā, po'o so'o se isi lava mea o le a foliga mai o le a matafi pe a tatou tu'uina atu i luma o le agamalu o Iesu, o Lē na te lē fa'atagaina se sauāga, po o se fa'avi'ivi'i, po o lo tatou lē fa'afetai e taofia ai o ia mai le faia o mea ua poloa'iina ai mo le mamalu o le Atua ma lo tatou fa'aolataga. O lea la, o le naunau ma le alofa mo le mamalu o le Atua na lafoa'ina ai le mamalu fa'alalolagi i le eleele. Vave nei loa, i le ala lava e tasi!

ASO 14 OKETOPA ASO SA 28 TAUSAGA MASANI:

Faitauga muamua: Poto 7: 7 – 11. Matua: Ua 'ou fa'asilia le agaga o le poto i oloa uma lava.

Salamo: 90: 12 – 13 (tali) 14 – 15 (tali), 16 – 17 (tali). Tali: Le Ali'i e, ia e fa'amalilie mai iā te i matou i lou alofa, ina ia matou alalaga fiafia.

Faitauga lona lua: Eperu 4: 12 – 13. Matua: O le afioga a le Atua o lo'o fa'amasino i manatu ma filifiliga o le loto.

Aleluia, Aleluia...Ia fa'apupulaina mata o tatou loto e le Tamā o lo taou Ali'i o Iesu Keriso, ina ia tatou iloa le uiga o le fa'amoemoe ua i lona vala'au mai...Aleluia.

Evagelia: Mareko 10: 17 – 30. Matua: Ia outou avatua a outou mea e fai ma mea alofa; e māmā ai mea uma iā te outou.

Tofitofiga o le Upu:

I le lua o vaiaso talu ai iā tatou faitauga o le aso Sa, sa tatou fa'alogologo ai a o otegia e Iakopo le 'au mau'oa ma fa'ailoa atu i ai tulaga e i'u i ai ona o a latou amio. O le asō, o le evagelia e taumāmā, ae ui i lea o lo'o aumai fo'i le fe'au e lē lelei mo le 'au mau mea. O se feiloa'iga e fa'aosofia. O le tagata ua alu lava o ia ma sa'ili atu ia Iesu; sa ia fai mai sa ia tausi uma i poloa'iga 'mai i ona ulua'i aso'. Sa pupula to'a atu i ai Iesu ma ua alofa i ai – ua foliga mai o se so'o ua alagatatau. Ae ui i lea, i le fa'ai'uga na alu o ia ma le fa'anoanoa tele ma ua le mafai ona mulimuli ia Iesu. Sa manino mai o lo'o sa'ili le malō, o lo'o manino fo'i o lo'o olaina le olaga lelei, ma ua alofagia e Iesu, ae na le pasia le su'ega. E to'afia o lo'o faitau i lenei faitauga o lo'o lagona e fia faia se tala fa'atasi ma so'o 'afai la o lena o ai e mafai ona lavea'ina?' I nai vaiaso ua tuana'i sa tatou fa'alogo ai mai le evagelia a Mareko na fa'apea mai ai Iesu: "Ai se fia mulimuli mai iā te a'u, ia fa'afiti o ia iā te ia lava ma ave e ia lona satauro, i le mulimuli mai ai iā a'u." Mo Mareko e leai se fa'aso'oina e aunoa ma le lafoa'ia. O lo'o i ai se lu'itau i'inei; o le fa'aso'oina e mana'omia atoatoa ma e a'afia ai ma le koluse. O le ali'i mau 'oa ua maua mea uma e alu lelei ai le olaga – o ana 'oa ua va'aia e tagata (fa'apea le 'au so'o) o se fa'ailoga o le fa'amanuiaga, ae o Iesu ua mana'omia le lafoa'i. O le faitauga lenei mai le evagelia ua vala'auina i tatou uma e manatunatu i lona natura o lo tatou mulimuli iā Iesu. O le fetalia'iga pu'upu'u, o lo'o maua mai ai le upu o le fa'amafanafanaga. O le maitauina o le fetalia'iga ma le fa'alogo atu i upu a Iesu na fesili ai le 'au so'o: 'o ai e mafai ona lavea'ia?' O le tali a Iesu: E faigata e le tagata e lē mo le Atua; ona o mea uma lava e faigofie i le Atua ua fa'ailoa mai ai le taūa o le fa'aso'oina: e lē o le mafai ona fa'aola e se tasi o ia lava, ae o le fa'aolaina e lē e to'atasi ua mafai ona fa'ataunu'uina le fa'aolataga. O le Fa'aso'oina o le ave lea ma so'o o Iesu le Fa'aola.

Metitasio mo le Aso Sa 14 Oketopa

E TATAU I LE TALAVOU MAU'OA ONA OLA FA'AFETAI I LE TAMA

Mapu maia, se'i o tatou mafaufau loloto i le tagata o Iesu i le taimi o lona soifuaga fa'alalolagi. I lona soifuaga fa'aletagata na fetaia'i o ia ma o tatou fiafiaga. Na ia iloa lelei, ma talisapaia, ma patipatia le tele o fiafiaga fa'aletagata, fiafiaga masani o aso taitasi e mafai ona o'o atu i tagata uma. O le loloto o lona olaga i totonu e le'i fa'anefuina ai ona uiga fa'aalia po o ona lagona.

Na te fa'amemelo i manulele o le lagi, o lili o le fanua. Na vave ona ia tosina i uiga fa'aalia o le Atua i le foafoaga i le amataga o le talafa'asolopito. Na ia naunau e vi'ia le olioli o le lulu saito ma le seleselega, o le olioli a le tagata ua ia maua se 'oa lilo, le olioli o le leoleo mamoe ina ua ia lavea'i lana mamoe, po o le fafine ina ua toe maua lana tupe na leiloa, le olioli o i latou na vala'aulia i le taumafataga, le olioli i le aso fiafia o le fa'aipoipoga, le olioli o le tamā na fusi i lona atalii ina ua toe fo'i mai i se olaga fa'amaumau'oa, ma le olioli o le fafine ina ua ulufafu lana tama i le lalolagi.

FAITAUGA MO LE MASINA OKETOPA 2018

Mo Iesu, o nei fiafiaga e moni, ona mo ia, o fa'ailoga ia o fiafiaga fa'aleagaga o le malo o le Atua: o le olioli o tagata o e ulu atu i lenei malo, e toe foi atu pe galulue ai foi, le olioli o le Tama o Lē taliaina i latou. Ma o lana itu, o Iesu lava ia, e fa'aalia lona fa'amalieina ma lona agaalofa pe a feiloai atu i tamaiti o lo'o mananao e fetaia'i ma ia, o se ali'i talavou mau'oa na fa'amaoni ma manao e faia nisi mea, o uo o e na avanoa o latou fale mo ia, e pei o Mareta, Maria, ma Lasalo. O lona fiafia, ua sili atu nai lo mea uma e iloa ai le taliaina o le Upu, le umia o le auina atu, o se fafine agasala po o se telona e pei o Sakaio na liliu mai, le fafine ua oti lana tane...mai lona mativa na ave'esea ma foai atu. Na ia mitamita i le olioli e pei ona ia fai mai ua maua e tamaiti laiti le fa'aaliga o le malo lea e natia tumau mai e popoto ma mafaia.

E moni, auā o Keriso o se tagata e pei o i tatou i mea uma vagana le agasala, na ia talia ma fetaia'i ma a'afiafa fa'afiafia ma fiafiaga fa'aleagaga, o se meaalofa a le Atua. Ma sa le'i malōō se'ia o'o i ē matitiva na ia folafolaina le talalelei o le fa'aolataga ... ma i latou o lo'o fa'anoanoa ma olioli. O le Evagelia a Sagato Luka ua aumaia fa'apitoa le molimau i lenei fatula'au o le olioli. O vavega a Iesu ma ana upu fa'amagalo i le tele o fa'ailoga o le agalelei fa'alelagi: e olioli tagata uma i mea matagofie uma na ia faia, ma avatu le vi'iga i le Tama.

ASO 21 OKETOPA ASO SA 29 TAUSAGA MASANI:

Faitau muamua: Isaia 53: 10 – 11. Matua: Pe afai na te faia se taulaga mo agasala, ona iloa lea e ia o lana fanau, e fa'alevavaina ona aso.

Salamo: 33: 4 – 5 (tali), 18 – 19 (tali), 20, 22 (tali). Tali: Le Ali'i e, ia i luga iā i matou lou alofa, e pei ona matou fa'amoemoe iā te oe.

Faitauga lona lua: Eperu 4: 14 – 16. Matua: Ia tatou fa'alatalata atu ma le loto tele i le nofoali'i o le alofa tunoa.

Aleluia, Aleluia...Ia fa'apupulaina mata o tatou loto e le Tamā o lo tatou Ali'i o Iesu Keriso, ina ia tatou iloa le uiga o le fa'amoemoe ua i lona vala'au mai...Aleluia.

Evagelia: Mareko 10: 35 – 45. Matua: Na sau le atali'i o le tagata e foa'iina atu lona ola o le togiola mo tagata e to'atele.

Tofitofiga o le Upu:

O le faitauga mei le Tusi iā Eperu o le asō e pu'upu'u ae loloto ma e telē lona taūa mo tagata uma e o atu iā Iesu o le puluvaga. O lo'o manino mai le Feagaiga Fou o Iesu ua na o se tagata e leai se tofi faife'au i lana 'au'aunaga, ae masani ona faitioina le Malumalu ma tala uma o le Feagaiga Fou e aofia ai ma tofi ositaulaga Iutaia ua ta'ua o fili a Iesu. Ae ui i lea o le tusi tala o le tusi ia Eperu ua fa'atupulia se telosia malosia a Iesu o se ositaulaga sili. E le o le laina lea a Arona, ae – i le faitauga o le vaiaso a sau ua fa'amatala maia – o le laina o Metikaseko. O lo'o mana'o le tusi tala e fa'aoga le gaganā fa'aositaulaga ma moliga ma faigataulaga ona o lona malamalama'aga lena i le tofi fa'apitoa a Iesu, ae o lo'o ia iloaina fo'i e le o se fa'asologa fa'atagata. O Iesu o se Ositaulaga Sili 'ese – ma o ana faigataulaga e fa'atasi ma e mo faigataulaga uma lava, o ia lava. O le vaega lea o lo'o ta'oto i le fatu o le malamalama'aga Katoliko i le Eukalisitia, o Keriso lava ia o le ositaulaga ma le taulaga.

O le ositaulaga ma lana mataifaioi o le puluvaga i le va o le Atua ma le tagata – e lē o se puluvaga ua atoatoa i mea uma, vaganā i le mataupu tau ia Iesu, o lana faitaulaga e tasi ma e fa'avavau e maualuga lona a'afiafa. Ae, o le vaega lenei o le tusi o lo'o fa'amamafa maia, o lenei faitaulaga maoa'e e le taumamao ma i tatou, ona e tau'ave e le tasi e pei o tatou i mea uma lava vaganā le agasala. O lona uiga o le puluvaga e malamalama i tulaga i tagata, le tasi, i lona itu tagata, ua mafai ona fa'atua ia i tatou ma i lona tofi ositaulaga ua e mafai ona fautua mo tatou, ma ona o le atoatoa o lana faitaulaga o ia lava, e maoa'e lona lelei. O le mafua'aga lenā e finau mai ai le tusi tala, tatou te mafanafana o lana fautuaaga tatou te maua ai le alofa.

Metitasio mo le Aso Sa 21 Oketopa

AVEA O SE AUAUNA, TU'UINA ATU O TATOU OLA

E sili atu lo tatou atoatoa e pei o Keriso pe a tatou lafoa'i uma. Le tele o le fa'agaogaoina e pei o se koluse. O le fa'asatauro o le laei o le Atua. O le tausi i le fa'asatauroga o le auala lea tatou te tauavea ai Foliga o Keriso .

E matala lautele le nofolisi i le lagi ma ua fa'apipi'i i ai timuga, e peisea'i ua ava le ta'e o tulafono a le lalolagi. "E foliga mai ua fai sina tuai i aso nei," o le tala a le tamaitai na avea lau peni, ua lūlū le ulu i tausimai ma fa'asolosolo atu i faitotoa. "O e i'inei foi e va'ai Dr. Reid?" o lana fesili lea i se musumusū malō.

"Na o le siakiina lava o lo'u toto." Na ou toe fa'afai atu lana ataata, punou i luma e tu'u le mekasini i luga o le laulau i le ma va. "Taimi o le siaki." Na ia tāpuni le peni, o le susulu malama i ona mata a'o ia tilotilo mai ia te au. "Kanesa."

Na lue atu l'ou ulu, talosia o tautala o'u mata i le tiga i lo'u loto. "E te iloa? Na fai mai Dr. Reid o le taimi mulimuli lea na ou i ai i'inei, i o tatou tino fa'aletagata, na'o musele lava e maua ai e oso ai le kanesa." E pei lava ua maliu filemu le potu fa'atalitali ato. "Ou te mafafau pea i lea mea. O musele lava e maua ai e iloa ai le kanesa. "Na pōpō lana ato. "Fa'afetai lava mo le peni, la'u pele." Na folo o'u faua ma le lē mautonu. Ua lē mafai ona ou lagona se mea ae na o le

FAITAUGA MO LE MASINA OKETOPA 2018

tatagi o ana upu.

E fa'afea ona ou leiloa le kanesa o le musele lea e na'ō latou lava e faia? O le kanesa o le mea e musu e mate ia te ia lava.

ASO 28 OKETOPA ASO SA 30 TAUSAGA MASANI:

Faitauga muamua: Ieremia 31: 7 – 9.

Matua: 'Ou te aumaia i latou, o latou aioi mai – o e tauaso ma e pipili.

Salamo: 126: 1 (tali), 2 – 3 (tali), 4 – 5 (tali), 6 (tali). Tali: Ua faia e le Ali'i mea tetele mo i tatou; ua tatou fiafia ai.

Faitauga lona lua: Eperu 5: 1 – 6. Matua: O le ositaulaga oe e fa'avavau, e uiga fa'atasi ma Mekisateko.

Aleluia, Aleluia...Fetalai mai ia, le Ali'i e, auā o lo'ō fa'alologo atu lau 'au'auna; o iā te oe upu o le ola e fa'avavau... Aleluia.

Evagelia: Mareko 10: 46 – 52. Matua: Raponi e, ia va'ai i o'u nei mata.

Tofitofiga o le Upu:

Ina ua talanoa mai Mareko i le 'motu o tagata' i lana evagelia e seāseā o se 'auala lelei – ua na o ni fa'amatalaga fa'atauva'a o se maofa po'o le fa'ate'ia i mea na tutupu i a'oa'oga a Iesu po'o galuega e leai se a'afiaga tumau mo latou. Ua aumai o ni mea e fesuisuia'i e leai ni va'ai mamao, ma o le tulaga lena o le faitauga o le asō. Ina ua valaa'u atu Patimaio, sa latou ote atu ia te ia, ae ina ua fa'auau lana vala'au ma na tali mai Iesu, sa suia o latou uiga ma fa'amalosi'au atu iā te ia. O le mea na tupu o lo'ō alia'i mai ai le una'ia malosi o se tasi e i latou o lo'ō latou fa'atasi, i se manatu lauiloa o le fa'atalitali ma le va'aiga. E fa'apefa ona taūa tele le 'o fa'atasi ma le motu o tagata', ae le o se tu to'atasi e pei ose tagata 'ese, ma o fa'atasi po'o leā lava le mea ua malilie fa'atasi uma i ai. E masani ona fa'apea o le evagelia ose 'fa'asaga tau i aganu'u', ma i le tele o ala e fa'apena, ae o le te'ea o aganu'u o lo'ō olaina ai i lena lava taimi ae avatu le evagelia i le feagai ai ma te'ena, o se loto toa ma le gaioiga o le fa'atuatua lea.

Atonu o le fa'atuatua na vivi'i ai Iesu ia Patimaio o le fa'atuatua e fo'ia le motu o tagata – sa lagona ma iloa sa mana'o i se fa'amalologa – fa'aolataga – e ui i le fa'alavelave o le motu o tagata. O se lesone e ao i se so'ō ona iloa.

O le tagata o Metikaseko o se ata i le Feagaiga Tuai, ae o lo'ō maua i le tele o tusitusiga fa'aopopo a le tusi pa'ia. O lona amataga e le o mailoa ae ua ia fa'amanuia Aperamo o 'lo tatou tama i le fa'atuatua.' Atonu o lona tagata e taūa, ma lona tofi ositaulaga e mai le Atua. O lona uiga o le tusi tala o Tusi ia Eperu ua fa'atusa i ai Iesu e leai sona tofi ositaulaga fa'aletagata ae o lana tofi ositaulaga ua sau sa'o mai le Atua, o lona uiga o le tofi ositaulaga ua mautinoa e lelei. O le ta'ua o Metikasiko i le Tatalo Muamua o le Eukalisitia o lo'ō fa'ailoa mai ai le taūa le lagonaina o le vaega lena e le Ekalesia i le amataga, ma e tataua ona maitauina.

Metitasio mo le Aso Sa 28 Oketopa

O LE VI'IGA O LE TAUASO

E fa'apena foi Mareko, i le onosa'i o Iopu agatonu: po'o le a le tele o mafatiaga na maua ai e ala i tofotofoga a le Atua, e lē gata i le onosa'i o se tagata amiotonu e mafai ona fa'amaonia le lē mafai ona fa'ato'ilaloina, ae e mafai e se lalolagi fa'avavau e ala i ana fa'ataitaiga agatonu e ao ona koloni le onosa'i i ona mafatiaga.

Afai e i ai taimi o tofotofoga e pa'ū i luga o se tasi ona mo le vi'iga o le Atua, e pei ona fetalai Keriso lo tatou Ali'i i le Evagelia na fa'apena i le tagata na fanau mai o tauaso, e lē o se mafua'aga aoga le mafatia o le tagata agatonu i mafatiaga mai le Atua pe mai le tagata foi, talu ai o le vi'iga o le Atua e faia fa'aaliali e ala i le sulumalama o lona onosa'i? Ia susulu atu lo outou malamalama i luma o tagata, ua fetalai mai ai le Alii, ina ia latou va'ai i a outou galuega lelei ma vi'ia ai lo outou tama oi le lagi.

E masani lava ona tupu i le matai, e fa'atulaga le fa'amoemoe, e tautūā'i solo e sili atu le leaga o se tasi nai lo lona onosa'i, e to'a filemu ia lava i luma o lea tagata fetineia'i. Auā a va'ava'ai atu tagata leaga i le Atua, o Lē e matagofie i ana au pa'ia, ua suia i latou mai o latou leaga sa i ai i se isi tagata e ala i le onosa'i e pei ona fa'aalia e nei tagata paia, ma le amio mama latou te tauaveina, e ala i le agamalu o la latou tautoga fa'amaoni.

Tauologologo

FAITAUGA MO LE ASO SA MUAMUA O NOVEMA

Aso 4 Novema Aso Sa 31 Tausaga Masani:

Faitauga muamua: Teuterenome 6: 2 – 6. Matua: Isaraelu e, fa’alogologo mai ia; ia e alofa atu i le Ali’i lou Atu ma lou loto atoa.

Salamo: 18: 1 – 2 (tali), 3 (tali), 46, 50 (tali). Tali: Le Ali’i e, lo’u malosi, ‘ou te alofa lava iā te oe.

Faitauga lona lua: Eperu 7: 23 – 28. Matua: O ia ua tumau e fa’avavau, o le mea lea ua i ai iā te ia le faiva o ositaulaga e tumau pea.

Aleluia, Aleluia...Ia outou mataala, auā tou te lē iloa po o le fea aso e sau ai lo outou Ali’i...Aleluia.

Evagelia: Mareko 12: 28 – 34. Matua: O le poloa’iga sili lenei; e fa’apea fo’i lona lua.

O LE FA’ASOLOGA O MISASA MO OKETOPA 2018

1st. Sunday	0.8.30am	Strathmore	Patele Denis
7 Oketopa 2018	10.30am	Taita	Leai se Misasa
	11.30	Titahi Bay	Patele Denis
2nd. Sunday			
14 Oketopa 2018	11.30am	Naenae church	Patele Maleko
	9.00am	Te Wairua Tapu -	Leai se Misasa
3rd. Sunday			
21 Oketopa 2018	11.00am	Newtown	Patele Petelo
	11.30am	Heretaunga	Leai se Misasa
4th. Sunday			
28 Oketopa 2018	11.00	Lower Hutt	Patele Patrick
	11.30	Stokes Valley	Patele Maleko

14

KALENA A LE MATAGALUEGA MO OKETOPA 2018

**ASO 5 OKETOPA – 6.30 FONOTAGA
MATAGALUEGA**

ASO 8 OKETOPA FONOTAGA AUTALAVOU 6.30

ASO 19 FONOTAGA AOGA ASO SA 6.30pm.

ASO 20—AUTALAVOU SPORTS DAY,

ASO 27 ASO TO’ONA’I SAUNIGA FA’AI’U AOGA ASO SA